



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXIV. Concessio Indulgentiarum pro Confraternitatibus B. Mariæ de
Mercede Redemptionis Captivorum cum Indulto erigendi, instituendi, &
aggregandi similes Confraternitates.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Contrariis derogat.

debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, ac quatenus opus sit d. Ordinis, ejusque Provinciarum, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & insertis habentes, illis aliàs in suo robore permanentibus, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque.

Dat. P. A. 2. die 20. Julii.

Datum Romæ apud S. Mariam Majorem sub Annulo Piscatoris, die 20. Julii 1668. Pontificatus Nostri Anno secundo.

XXIV.

Concesso Indulgentiarum pro Confraternitibus B. MARIÆ de Mercede Redemptionis Captivorum cum Indulto erigendi, instituenti, & aggregandi similes Confraternitates.

Edita An. D. 1668.

CLEMENS EPISCOPUS

Servus Servorum Dei. Ad perpetuam rei memoriam.

Exordium.

IN supereminenti Apostolicæ Dignitatis specula meritis licet imparibus à Domino sublimati ad universos in vinea Domini, quæ est ejus Ecclesia curæ nostræ divinitus commissa, ad animarum salutem providè confitos, & Sedis Apostolicæ benigno favore alitos, Religiosorum hominum Ordines acies mentis nostræ inflescentes, & inter eos Ordinem Fratrum B. MARIÆ de Mercede nuncupatæ, sicut nomine, & professione Captivorum, quos ex Christi fidelibus dura immanium Christiani nominis hostium servitus miseros premit, redemptioni additum, ita in redimendis hujusmodi Captivis fratrum suorum pietatis studio, & vigilantia singulari cum fructuum ubertate pari conuiscare contemplantes; Nos ei ea per quæ, non solum confoveri, sed multis cum incrementis sese efferre, & elatos ramos charitatis, & pietatis in miserorum hujusmodi sublevamen, pro talento sibi à Domino, qui omnibus dat prout vult, commisso latius diffundere, & expandere valeat, eo libentius, & liberaliori manu, apertis spiritualium gratiarum, quarum dispensatores facti fuimus, Thesauris elargimur, & erogamus quo magis id ad Dei gloriam, & animarum salutem judicamus in Domino successurum.

§. 1. Exhibita siquidem Nobis nuper pro parte Dilectorum filiorum Matthiæ Cubells antiquæ observantiæ, & Andreæ à Sancto Joseph familiæ Reformatæ Ordinis Beatæ MARIÆ de Mercede nuncupatæ Redemptionis Captivorum Procuratorum Generalium petitio continebat; Quod cum à nonnullis Romanis Pontificibus prædecessoribus nostris Religiosis, & Fratribus dicti Ordinis, diversas Confraternitates, seu Congregationes personarum sæcularium utriusque sexus erigendi, seu præfati Ordini, vel ejus singulis respectivè domibus regularibus, uniendo, & incorporandi, seu eidem Ordini aggregandi, ipsisque, & eorum sæcularibus personis, sibi competentia privilegia, Indulgentias, & gratias spirituales, facultates, & indulta sibi concessa communicandi attributa sit facultas, seu similes erigendi Confraternitates, & Congregationes, consuetudo usu recepta fuerit, & non solum Religiosi præfati Ordinis, sed utique etiam Confraternitates, & Congregationes, ac sæculares earum personæ hujusmodi Captivorum sub duro Barbarorum jugo languentium, redemptioni,

& libertati sedulo incumbant. Quare ut Religiosi Ordinis, ac Confraternitatum, seu Congregationum hujusmodi sæculares personæ ad opus tam pium, & necessarium efficacius incitentur, & ne indulgentiæ ipsi Ordini, & facultates, ut præfertur erigendi, & aggregandi, de cætero propter aliquas limitationes, seu revocationes aliquorum Romanorum Pontificum prædecessorum nostrorum in dubium aliquando revocari possint; pro parte dictorum Matthiæ, & Andreæ Nobis fuit humiliter supplicatum, quatenus in præmissis opportunè providere de benignitate Apostolica digneremur.

§. 2. Nos igitur, qui pia singulorum Ordinum Religiosorum, in Ecclesia Dei rectè institutorum, quibuscumque cum Domino possumus modis omnibus promovere studemus eosdem Matthiam, & Andream, ac Ordinis, & singularum Confraternitatum hujusmodi singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati & innodata existunt ad effectum præsentium tantum consequentium harum serie absolventes, & absolutos, ac absolutos fore censentes, hujusmodi supplicationibus inclinati ex voto Venerabilium Fratrum nostrorum S. R. E. Cardinalium super Indulgentiis, sacrisque Reliquiis concedendis Præpositorum, Religiosis præfati Ordinis, ac singularum Confraternitatum, seu Congregationum, eidem Ordini, seu alicui ex ejus Domibus Regularibus aggregatarum, illarumque personis utriusque sexus, qui Captivorum hujusmodi Redemptioni incumbunt, ubicumque degentibus, cæterisque utriusque sexus Christi fidelibus, verè pœnitentibus, & confessis, qui aliquam ex Confraternitibus prædicto Ordini, seu alicui ejus domui regulari annexam, aggregatam, seu unitam, de cætero ingredientur, die prima eorum ingressus, si Sanctissimum Eucharistiæ Sacramentum sumpserint.

§. 3. Ac nunc, & pro tempore existentibus, dictarum Confraternitatum Confratribus, ubilibet decedentibus etiam verè pœnitentibus, & confessis, ac Sacra Communione, si id commodè fieri poterit, resectis, vel saltem contritis, in eorum mortis articulo, nomen JESU corde, si ore nequiverint, devotè invocantibus; Præterea ipsis Confratribus, etiam verè pœnitentibus, & confessis, ac eadem sacra Communione resectis, qui aliquam Ordinis, vel Confraternitatum hujusmodi Ecclesiam, seu Oratorium ultima Dominica mensis Julii à primis Vesperis usque ad occasum solis diei Dominicæ hujusmodi annis singulis devotè visitaverint; Quive scapularii, quæ singulis mensibus, ac duabus aliis solemnibus Processionibus, quarum prima tempore publicationis Missionis Religiosorum ipsius Ordinis, pro redimendis Captivis, altera verò post eorumdem Captivorum redemptionem, de more celebrantur, devotè interfuerint, & pias ad Deum preces pro Sanctæ Matris Ecclesiæ exaltatione, inter Christianos Principes concilianda, & fovenda pace, hæresum extirpatione, Infidelium conversione, ac Romani Pontificis salute, effuderint, qua Dominica, seu aliis diebus hujusmodi id pro tempore fecerint; Quive ad partes eorundem Infidelium pro miseris Christi fidelibus inibi sub misero servitutis jugo deservientibus redimendis progredientur, si ante illorum discessum, ac post illorum reditum; iis verò qui è Barbarorum servitute redimentur, si infra mensem à die illorum, Redemptionis computandum, idem SS. Eucharistiæ Sacramentum sumpserint, & ut præfertur oraverint, plenariam omnium peccatorum suorum Indulgentiam, & remissionem Apostolica auctoritate tenore præsentium concedimus, & elargimur. Ac etiam eidem Confratribus, habitum dictarum Confraternitatum deferentibus, si

Que omnia continentur.

Indulgentia Confratribus largitur.

verè

in Domini Nostri JESU Christi, aut Beatissime Virginis MARIE, vel Sanctorum ipsius Ordinis festivitatibus idem Sanctissimum Eucharistiae Sacramentum sumperint. Quive quotidie per annum integrum ter Orationem Dominicam, & toties Salutationem Angelicam, vel Symbolum Apostolorum pro impetranda fortitudine, ac patientia iis, qui apud Barbaros detinentur in Captivitate, ne nomen Domini JESU Christi negent, sed fortiores in fidei confessione persistant, ac quantocius ab eadem servitute liberentur. Præterea, eisdem Confratribus etiam confessis vel confitendi firmum propositum habentibus habitum præfatam deferentibus, qui singulis diebus septies Orationem Dominicam, & toties Salutationem Angelicam præfatas, ad ipsius Deiparæ Virginis MARIE gloriam, & honorem, aut ipsum Sanctissimum Eucharistiae Sacramentum, dum ad aliquem infirmum deferretur associaverint, vel qui hoc facere impediti, Campanæ ad id dato signo genibus flexis septies Orationem Dominicam, & toties Salutationem Angelicam hujusmodi pro eodem infirmo recitaverint, seu pauperes à Captivitate redemptos, hospicio receperint, illosve ad Ecclesiam Ordinis, vel Oratorium Confraternitatis locorum, in quibus degent associaverint, septem annos, & totidem quadragenas. Postremo eisdem Confratribus, qui in Vigiliis festivitatum Domini Nostri JESU Christi, aut Deiparæ Virginis MARIE, vel Sanctorum ejusdem Ordinis, five singulis sextis feriis, ac diebus Sabbathi cujuslibet hebdomadæ ad Dei Omnipotentis, & Deiparæ Virginis MARIE laudem, & gloriam jejunaverint, quive sepeliendis mortuis officiosè, aut missis, & aliis divinis Officiis in Ecclesiis, seu Capellis Ordinis, & Confraternitatibus hujusmodi more Confratrum celebrandis, aut Congregationibus publicis, vel privatis, earumdem Confraternitatum pro quocumque opere pio exercendo devotè interfuerint, aut pauperes peregrinos, vel Religiosos ipsius Ordinis hospicio exeperint, aut pacem cum inimicis propriis, vel alienis composuerint, seu devium aliquem ad viam salutis reduxerint, vel ignorantes Dei præcepta, & quæ ad salutem sunt necessaria docuerint, aut quinquies Orationem Dominicam, & toties Salutationem Angelicam præfatas pro animabus Confratrum dictarum Confraternitatum in Christi charitate defunctorum recitaverint, aut pauperes puellas de suo proprio, non autem aliquo particulari legato pio ad id relicto, vel relinquendo matrimonio collocaverint, toties pro quolibet præmissorum posteriorum operum piorum exercitio tres annos, & totidem quadragenas, de injunctis eis, aut alias quomodolibet debitis penitentis misericorditer in Domino perpetuo dicta Apostolica auctoritate earumdem tenore præsentium relaxamus. Ac eisdem Confratribus, ut Indulgentias, & peccatorum remissiones præfatas, fidelium in Christi charitate defunctorum animabus per modum suffragii applicare.

§. 4. Ac ipsius Ordinis Magistro, & Familia Reformata præfata Vicario, nec non ambarum familiarum hujusmodi Procuratoribus generalibus, nunc & pro tempore existentibus, ut utriusque sexus Confraternitates, tam sub præfata Beatæ MARIE de Mercede, quam, alia quacumque invocatione, & denominatione, ubivis locorum erigere, & instituire, illasque sic erectas, & institutas illius Archiconfraternitatibus, servata tamen forma Constitutionis felicis record. Clementis Papæ Octavi prædecessoris nostri, super dictarum Confraternitatum erectionibus, & aggregationibus editæ aggregare possint, & valeant, eadem auctoritate etiam perpetuo earumdem tenore præsentium indulgemus.

§. 5. Non obstantibus præfata Clementis, ac præ memorie Pauli Papæ V. etiam prædecessoris

nostri similibus gratiarum revocatoria, seu moderatoria, nec non nostra de Indulgentiis ad instar, non concedendis aliisque Constitutionibus, & Ordinationibus Apostolicis, caterisque contrariis quibuscumque.

§. 6. Nulli ergo omnino hominum liceat hanc paginam nostre absolutionis, concessionis, elargitionis, relaxationis, & Indulti infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominicæ millesimo sexcentesimo sexagesimo octavo, septimo Idus Septembris, Pontificatus Nostri Anno secundo.

Concessio Privilegiorum pro suis Cappellanis communibus.

CLEMENS PAPA IX.

Ad futuram rei memoriam.

GRATA familiaritatis obsequia, quæ dilecti filii Michael Angelus Lualdus Romanus Canonicus secularis, & Collegiata Ecclesiæ S. Marci de Urbe, Hieronymus Mainerus Aquen., Nicolaus Nocetus Romanus, Joannes Guadagnolus Arerin., Paulus Blanconius Romanus Clericus Beneficiatus in Basilica Principis Apostolorum, & Franciscus Agnellus Ripan. Canonicus secularis, & Collegiata Ecclesiæ Sanctorum Celsi, & Juliani de eadem Urbe Presbyteri Moderni Capellæ nostræ Pontificiæ Capellani, familiares nostri, Nobis, & Apostolicæ Sedi hætenus impenderunt, & adhuc sollicitis studiis impendere non desunt, nec non vitæ, ac morum honestas, aliaque laudabilia probitatis, & virtutum merita, quibus eorum personas tam familiari experientia, quam etiam fide dignorum testimoniis juvari percepimus, Nos inducunt ut illis reddamur ad gratiam liberales.

§. 1. Hinc est, quod Nos volentes illos specialibus favoribus, & gratis prosequi, eosque à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes; Motu proprio, & non ad supradictorum Michaelis Angeli, Hieronymi, Nicolai, Joannis, Pauli, & Francisci, vel alicujus ipsorum, aut aliorum pro eis Nobis super hoc oblata petitionis instantiam, sed de mera nostra deliberatione, ac certa scientia Apostolica auctoritate tenore præsentium Michaeli Angelum, Hieronymum, Nicolaum, Joannem, Paulum, & Franciscum prædictos, & illorum singulos in nostros, & Sedis Apostolicæ Notarios recipimus, ac Sacri Palatii, & Aula Lateran. Comites (sine tamen dilectorum filiorum Notariorum de numero participantium præjudicio) nec non nobiles Romanos, & Urbis Romæ omniumque & singularum aliarum Civitatum, Terrarum, & locorum S. R. E. mediare, vel immediate subjectorum cives creamus, & constituimus, ac in numerum, & consortium aliorum nostrorum, & ejusdem Sedis Notariorum, nec non Palatii, & Aula Comitum, ac nobilium Romanorum, aliorumque Civium Civitatum, & Oppidorum prædictorum referimus, & conscribimus, ipsique etiam habitum, & rochetum Notariorum dictæ Sedis juxta decretum Lateranen. Concilii novissimè celebrati non deferant, aut Civitates hujusmodi non incoluerint, nec unquam in eisdem Civitatibus domicilium habuerint, ut omnibus, & quibuscumque privilegiis, facultatibus, exemp-

Sanctio poenalis.

Dat. P. An. z. die 13. Sept.

XXV.

Edita A. D. 1668.

Procemium.

Capellanos suos Sedis Apost. N. tarios, Comites, Nobiles, & Cives creat.

Indulget Confraternitates erigi posse.

Contrariis derogat.